



**FYLKESMANNEN
I ROGALAND**

Dykkar ref.: «REF»

Vår dato: 06.02.2014

Vår ref.: 2014/1051

Arkivnr.: 432.4

Oddmund Hognestad

4346 Bryne

Postadresse:

Postboks 59 Sentrum,
4001 Stavanger

Besøksadresse:

Lagårdsveien 44, Stavanger

T: 51 56 87 00

F: 51 52 03 00

E: fmropost@fylkesmannen.no

www.fylkesmannen.no/rogaland

Dispensasjon til oppsett av gjerde og beiting m.m. på gnr/bnr 5/1,7 i Linemyra naturreservat, Time kommune.

Oddmund Hognestad, far til grunneigar (Jon og Heidi Line) på gnr/bnr 5/1,7, sende den 15. januar 2014 ein e-post til Fylkesmannen i Rogaland med spørsmål om å setja opp eit permanent gjerde i Linemyra naturreservatet for å kunna halda fram med beiting av delar av myra.

Dei siste 3-4 åra har Hognestad/Line (grunneigar) prøvd seg med beiting på den tørraste delen av myra – i den nordaustre delen. På eigedom 5/7 er det to teigar med torvmyr/tuemyr som begge ligg innanfor naturreservatet, skilt av ein kile med kulturbeitemark, som ligg utanfor vernegrensa. Heile dette området har dei siste åra vorte nytta til beitemark for sau og storfe, og med godt resultat. Hognestad/grunneigar ønskjer no å setja opp et permanent gjerde for å kunna vidareføra beitinga.

Langs eigedomsgrensa mot nordaust, samt den nordlege delen av kilen mellom dei to myrteigane, veks det i dag hogstmogen sitkagran. Desse spreier seg inn i reservatet og fører til at myra gror igjen.

I tillegg til beite og oppsetjing av permanent gjerde, søker Hognestad vidare om lov til å:

- rydda gjerdetraséen for tre
- køyra inn gjerdemateriale med traktor
- bruka traktor til å setja opp gjerdestolpar
- køyra ut ved med traktor

Heimelsgrunnlag:

Linemyra naturreservat vart verna etter kongeleg resolusjon av 20. desember 1996 etter naturvernloven. Naturmangfaldloven erstatta naturvernloven 19.06.2009. Fylkesmannen i Rogaland er forvaltningsmynde, og kap. III i verneforskrifta slår fast verneformålet: (...) *Føremålet med fredinga er å ta vare på eit våtmarksområde med naturleg tilhøyrande vegetasjon og dyreliv. Området er ei open låglandsmyr som er ein viktig hekkeplass for ulike vassfuglar.*

Verneforskrifta kap. IV slår fast:

For reservatet gjeld følgjande reglar:

Punkt 3: *Det må ikkje setjast iverk tiltak som kan endre naturmiljøet, som til dømes oppføring av ... faste innretningar... Opplistinga er ikkje fullstendig.*

Punkt 4: *Motorisert ferdsel på land og vatn og flyging under 300 meter er forbode.*

Verneforskrifta kap. VI punkt 2 opnar for at forvaltningsstyresmakta kan gje løyve til: *Hogst av ved til eige bruk*

Dersom Hognestad/grunneigar ønskjer å ta ut tre til ved, opnar forskrifta kap. VI, punkt 2 altså for det. Eit slikt vedtak skal også vurderast etter naturmangfaldsloven § 8-12 (sjå under).

Verneforskrifta kap. VII slår fast: *Forvaltningsstyresmakta, eller den forvaltningsstyresmakta bestemmer, kan utføre skjøtelsstiltak for å fremje føremålet med fredinga. Det kan utarbeidast forvaltningsplan som skal innehalde nærare retningslinjer for utføring av skjøtselstiltaka.*

Fylkesmannen kan difor opna for beiting og uttak av framande artar i reservatet etter § VII. For å setja opp gjerde og bruka traktor til dette, må ein ha dispensasjon frå § 48 i naturmangfoldloven som fastslår følgjande:

”Forvaltingsmyndigheten kan gjøre unntak fra et vernevedtak dersom det ikke strider mot vernevedtakets formål og ikke kan påvirke verneverdiene nevneverdig, eller dersom sikkerhetshensyn eller hensynet til vesentlige samfunnsinteresser gjør det nødvendig. Søknad om dispensasjon etter første ledd skal inneholde nødvendig dokumentasjon om tiltakets virkning på verneverdiene. I dispensasjon etter første ledd skal begrunnelsen for vedtaket vise hvordan forvaltingsmyndigheten har vurdert virkningene som dispensasjonen kan få for verneverdiene, og hvilken vekt det er lagt på dette.”

Rundskriv om forvaltning av verneforskrifter (Miljødirektoratet 2014) kap. 7, gjev føringar for handsaming av dispensasjonar etter § 48. Det er to vilkår som ligg til grunn:

- Tiltaket kan ikkje påverka verneverdiane nemneverdig.
- Tiltaket må ikkje strida mot formål i verneforskrifta.

Vurdering:

Linemyra gror igjen, og tiltak som vil kunna stagga, eller seinka gjengroinga, vil difor vera viktige for å ta vare på verneverdiane. Tilpassa beiting og fjerning av tre er gode tiltak for å fremja verneformålet om at Linemyra skal vera ei open låglandsmyr og ein viktig hekkeplass for ulike vassfuglar. For at ikkje heile myra skal beitast, og dyra skal drukna seg i myra, er det heilt naudsynt med gjerde. Eit permanent gjerde er sikrare for rømming og krev mindre vedlikehald enn eit provisorisk straumgjerde. Vedtaket skal vurderast etter naturmangfaldsloven § 8-12, sjå nedanfor:

§ 8. Kunnskapsgrunnlaget:

Forvaltningsplanen byggjer på ei omfattande kartlegging av flora og fauna. Ein har god kjennskap til verdiane i området. Fylkesmannen var i 2013 på fleire synfaringar der flora, vegetasjon og fauna vart kartlagt.

§ 9. Føre-var-prinsippet:

Så langt Fylkesmannen kan vurdere, har ein god oversikt over følgjene av beiting. Dersom beitinga tilpassar talet på dyr og beiteperiodar til areal og naturtype, slik at det ikkje fører til overbeite og tråkkskadar, er ikkje noko som skal tilseia at det skal få negative følgjer av verken beite, eller gjerding.

§ 10. Økosystemtilnærming og samla belastning:

Beite og fjerning av tre på myra er positivt for reservatet. Beite og opning i dette området vil ha positive verknader på artsmangfald og variasjonen i området.

Tre ute på myra fører til at myra gror igjen, og bør difor fjernast. Det same gjeld alle framande artar som spreier seg inn i verneområdet. Heimlege lauvtre, som står langs vernegrensa, kan ha ein

skjermande funksjon for verneområdet, og det bør difor setjast att ei rekke langs grensa. Dersom ein gjer det, er det heller ingenting som tilseier at hogst skal få negative følgjer.

§ 11. Kostnader ved miljøforringing skal berast av tiltakshavar:

Dette er ikkje relevant problemstilling her. Tiltakshavar er ansvarleg for å følgja vilkåra i dispensasjonen.

§ 12. Miljøforsvarleg teknikk og driftsmetodar:

Alt arbeid i området må skje utanom sårbare periodar for flora og fauna, før vekstsesongen skyt fart og hekkefuglane kjem på plass. Ettersom tiltakshavar ønskjer å bruka traktor til transport, må køyring skje på frosen og/eller tørr mark. Me set som vilkår at kilen med kulturmark som ikkje er verna vert brukt til å køyra inn og ut med, så langt som praktisk råd, slik at det ikkje vert varige spor og sår inne i verneområdet.

Fylkesmannen synest det er positivt å få beita og hogd ut arealet, og for å få til det, meiner Fylkesmannen i Rogaland at det vil vera teneleg å setja opp eit permanent gjerde rundt området som skal beitast. For at gjerdet skal kunna førast opp, er det også naudsynt å kunna bruka traktor til transport av gjerdestolpar inn i området, transport av ved ut, samt til å slå ned gjerdestolpane. Fylkesmannen meiner at krav etter naturmangfaldloven sin § 48 er oppfylgde.

Konklusjon:

Fylkesmannen opnar for at Oddmund Hognestad/Jon og Heidi Line kan hogga ved til eige bruk inne i Linemyra naturreservat gnr/bnr 5/7, jf. kap. VI punkt 2 i verneforskrifta. Uttak av framande artar, som t.d. sitkagran, er å rekna som skjøtsel, og kan difor fjernast utan nærare dispensasjon.

Vidare opnar Fylkesmannen for å setja opp gjerde rundt dei to tørrare partia med torvmyr/tuemyr inne i Linemyra naturreservat gnr/bnr 5/7, samt til å kunna bruka traktor til å transportera gjerdestolpar, ved, og til å setja opp gjerdestolpane, jf. naturmangfaldloven sin § 48.

Dispensasjonen vert gitt på følgjande vilkår:

- Det skal ikkje gjerast forstyrrende arbeid (gjerding, trefelling, etc.) i hekketida (april-august).
- All køyring må gjerast på frosen, eller tørr mark, og avgrensast så mykje som råd.
- Der kor det veks heimlege lauvtre langs vernegrensa, skal det setjast att ei rekke med dette langs grensa (mest aktuelt i søraust).
- Ved felling av tre, skal stammen kuttast så langt nede som råd. Alt hogstavfall må fraktast ut av reservatet. Stubbar av lauvtre må stubbepenslast for å hindra oppslag av nye skot.
- Beitedyra kan ikkje setjast på beite i reservatet før etter den 1. juli.
- Beiteregimet må tilpassa tal og art av beitedyr, beitetrykk og periode til areal og naturtype, slik at det ikkje oppstår store tråkkskader, eller at arealet vert overbeita. Tiltakshavar må føralogg over beiteperiodar, talet på dyr, og kva for dyreart som vert brukt.
- Beiteregimet må evaluerast etter to år, og eventuelt justerast.
- Beitedyra kan ikkje tilleggsfôrast i perioden dei beitar reservatet.
- Grøfting i myra er ikkje lov.
- Arbeidet må utførast innan utgangen av 2014.

Fylkesmannen vil gjerne samarbeida om best mogleg skjøtsel av verneområdet, jamfør komande forvaltningsplan. Ein vil då også kunna vurdere å yta økonomisk støtte til tiltak i verneområdet.

Med vennleg helsing

Per Kristian Austbø
ass. fylkesmiljøvernssjef

Torborg Berge
rådgjevar

Sakshandsamar: Torborg Berge
Saksbehandlars telefon: 51568939
E-post: fmrotbe@fylkesmannen.no

Kopi til:

Statens naturoppsyn - Miljødirektoratet
Time kommune v/landbrukssjef
Miljødirektoratet

Postboks 5672 Sluppen	7485	Trondheim
Postboks 38	4349	Bryne
Postboks 5672 Sluppen	7485	TRONDHEIM

Vedlegg: Kart over Linemyra naturreservat med innteikna areal for kva som skal beitat/gjerdast inne.



5/1

4/2

4/183

5/7

5/36

5/32


6/1

Linemyra naturreservat, Time

- Beiting
- Vernegrense
- Eigedomsgrense

Ortofoto 2011 0.1 m oppløysing

1:1 750



Kartgrunnlag: FKB, Nirge i bilder
Tillatelse: © Norge Digitalt
Kartproduksjon: Fylkesmannen i Rogaland,
5.februar 2014